

УДМУРТ ЭЛЬКУНЫСЬ ДЫШЕТОНЪЯ НО НАУКАЯ МИНИСТЕРСТВО

2014-тй ар
9-тй класс

Удмурт литературая ёрос олимпиадалы юаньёс

1. А. Лужанинлэн «Сюмьё но Падыш» гожтосэзлэсь жанр ласянь аспöртэмлыксэ усьтэ, жанрлы валэктон сётэ.

2. Произведениослэн нимьёсынызы сётэм радьёсысь бырьёе мултэссэ, бырьемдэс валэктэ.

а) «Эш-Тэрек» – «Секыт зйбет» – «Сурсву» – «Катя».

б) «Öсэти но но потыкум» – «Ой, төл төла» – «Сюрес дурын» – «Кылёд ук, кылёд ук тон, апие...».

в) «Тöды пыдвыл» – «Кристя» – «Вожмин» – «Чукдор».

3. Чеберлыко гожтосьёсысь сётэм люкетьёсья тодмалэ, кин егит дырзэ тодаз вае. Произведенилэсь нимзэ, авторзэ пусье.

а) <...> Дас оло дас кык аресъем луйсько вал ини мон, сое али шуг вераны. Со нырысь аръёсме шулдыр азын, сик дурын, шунды синмын ортчй. Огпол адямиос вуизы. Монэ эшъёсыным ёош ик вордскем интысьтым татчы, бадъым, паськыт сюрес вьлэ, вуттйзы. <...>.

б) <...> Монэ дядяй эриктэмен
Узыр картлы сөтйз.
«Ог мынод но дышод, нылы,
Яратод но улод», – шуиз». <...>
Мон öй дышы бай семьяын,
Мон öй яраты картме.
Уй но нунал малпаськыса,
Чиги егит сюлэмме <...>

в) <...> кузпаллы быземе туж ёем тодам лыктылэ. Олокытчы кыдёке, кылонтэм-аджонтэм интые, монэ кузпаллы сөтйзы. Милемды черкын венчать карытозь, нэнэе мыным эмеспизэ но öз возматылы. Зэмзэ ке верано, ачиз но öз адъылы. Отысь-татысь кылыса, узыр, умой уло шуыса, куатьтон иськем ёроскы монэ бызъйтйзы. Соку арлыды мынам кызь кык, лэся, лыдьясъе вал. Нэнэе, кунулаз кадъ, дораз нуныяса воземен, дуннеысь номырез но тодытэк уйй. <...>

г) <...> Яратйз егит нылмурт мынэсьтым эшме. Нимыз Натй вал, а öз тоды со ныл мынэсьтым яратэмме. Нош кыёе нылмурт вал! Йырсиез чиль-чиль сьöд, синъёсыз но сутэр кадъ, бамыз ёыжыт. Трос егитьёс со сьöры ветлйзы, ну мон но. Эше вал мынам, Егор. Котьку но ми соин Натй сярисъ вераськимы. Нош сое яратэммес ум вераське. Кужмо яратй. Нош ныллэн сюлмыз Егор палан вьлэм. <...>

4. Литературной геройлы сйзем музей кылдытон: «Дорвыжы» эпосысь Донды батырлэн виртуальной музеезлэсь проектсэ дасялэ.

Со понна:

- вуоно музейлэсь висъетъёссэ (web-бамъёссэ) чаклалэ. Кылсярысь, «Авторлэн висъетэз», «Геройлэн висъетэз», «Суредъёсын галерея», «Библиотека», «Музейлэн иворъёсыз», «Форум», «Кусыпъёс» (Контакты), «Дунъетъёс»;
- висъетъёслэсь огъя пуштроссэс усьтэ;
- адъытон вылысь «Геройлэн залэз» бамлы Дондылэсь образзэ усьтэ;
- музейлэсь кулэлыксэ валэктэ;
- пусъе, кинлы но малы та музей тунсыко но пайдаё луысал.

УДМУРТ ЭЛЬКУНЫСЬ ДЫШЕТОНЪЯ НО НАУКАЯ МИНИСТЕРСТВО

2014-тй ар
10-тй класс

Удмурт литературая ёрос олимпиадалы юаньёс

1. В. Ар-Сергилэн «Душеспи» гожтосэзлэсь жанр ласянь аспöртэмлыксэ усьтэ, жанрлы валэктон сётэ.

2. Произведениослэн нимъёсынызы сётэм радъёсысь быръе мултэссэ, быръемдэс валэктэ.

а) «Кезыт ин. Кезыт куазь. Кезыт тол...» – «Шудмы огъя» – «Кам шур кутске ошмесысен» – «Уг яратскы чышкем писпуосты...».

б) «Чагыр инме» – «Кык гожтэт» – «Эльбай» – «Бусы».

в) «Трипан Вась» – «Оксана» – «Кезыт ошмес» – «Кык сяськаос».

3. Чеберлыко гожтосъёсысь сётэм люкетъёсыя тодмалэ, кин но кин сярысь та кыльёсты вера. Произведенилэсь нимзэ, авторзэ пусье.

а) <...> Чäпак бубид кадъ будйськод. Со но тон кадъ ик, вамен тул сямен, котьку пыкиськод вал. Маке йыраз пыре, сое ик лэсьтоз вал. Нокинлэсь верамзэ, валэктэмзэ кылэм-адзем öз карылы. Э, öз быгаты со улыны калык радъя! <...>

б) <...> Инмар понна синмаськиз!
Одйг синмыныз адйиз,
Со куспын ни – синмаськиз...
Бергасько ни,
Лэсьтйсько ни,
Пöрасько ни –
Ваньзэ, ваньзэ дасясько ни –
Нош ик шедьтэ мукетсэ! <...>

в) <...> Шораз учкыса, сölэм будыны кутскиз: ну, адями бен, чурит куртчем! Вись кузьда сйньыссэ но уз кушты... <...>

4. Литературной геройлы сйзем музей кылдытон: Н. Байтеряковлэн Анныкей героезлы сйзем виртуальной музейлэсь проектсэ дасялэ.

Со понна:

– вуоно музейлэсь висъетёссэ (web-бамъёссэ) чаклалэ. Кылсярысь, «Авторлэн висъетэз», «Геройлэн висъетэз», «Суредъёсын галерея», «Библиотека», «Музейлэн иворъёсыз», «Форум», «Кусыпъёс» (Контакты), «Дунъетъёс»;

– висъетёслэсь огъя пуштрöссэс усьтэ;

– адйтон вылысь «Геройлэн залэз» бамлы Анныкейлэсь образзэ усьтэ;

– музейлэсь кулэлыксэ валэктэ;

– пусье, кинлы но малы та музей тунсыко но пайдаё луысал.

УДМУРТ ЭЛЬКУНЫСЬ ДЫШЕТОНЪЯ НО НАУКАЯ МИНИСТЕРСТВО

2014-тй ар
11-тй класс

Удмурт литературая ёрос олимпиадалы юаньёс

1. П. Блиновлэн «Улэм потэ» гожтосэзлэсь жанр ласянь аспöртэмлыксэ усьтэ, жанрлы валэктон сётэ.

2. Произведениослэн нимъёсынызы сётэм радъёсысь быръе мултэссэ, быръемдэс валэктэ.

а) «Толэзъысь виштыос» – «Адямилэн сьöлыкез» – «Ачиз корась тйр» – «Дуннелэн кылдэмез».

б) «Огназ черсйсь» – «Вало» – «Палэзъпу – оскон» – «Вандэмо».

в) «Эктытйсь пастух» – «Кезыт ошмес» – «Камит Усманов» – «Кылмекей».

3. Чеберлыко гожтосъёсысь сётэм люкетъёсья (диалогъёсья) тодмалэ, кин кинэн вераське. Произведенилэсь нимзэ, авторзэ пусье.

а) <...>

– Малы бен тйледыз дышето?

– Спектакльын шудыны.

– Спектакльын шудыны? Тьфу, лешой уж! Нош мон маке кулэ ужлы дышето кожам вал.

– Дядяй, тон уд тодйськы на, мар со сыёе спектакль.

– Тодйсько, адёме вань. Вавожын возматйзы. Асьме гуртын соослэсь устогес пöртмасько. Тыныд нылы докторе дышетскыны кулэ вылэм. Яке тани землямере. <...>

б) <...>

– Асьмеос шöдйськеммы, кытын соослэн карзы.

– Кема улыны дасяськиллям.

– Кион кар. Тани со. Нош асьмеос олокытй нюр вылтй порьяськом. Кык пыдо кионъёс...

– Бен... Нош кытчы меда соос талам ваньбурзэс каро?

– Гузы вань, дыр. <...>

в) <...>

– Нош мон мар каром?

– Уж ваньдылы огкадь сётэмын <...>.

– Нош мон учебникез учкытэк вераны тодйсько ни ке?

– Сое тодэм сяна – валаны кулэ на.

– Мар отын валантэмез, ваньмыз кушаса сётэмын бере <...>

4. Литературной геройлы сйзем музей кылдытон: М. Коноваловлэн Гаян героезлы сйзем виртуальной музейлэсь проектсэ дасялэ.

Со понна:

– вуоно музейлэсь висъетёссэ (web-бамъёссэ) чаклалэ. Кылсярысь, «Авторлэн висъетэз», «Геройлэн висъетэз», «Суредъёсын галерея», «Библиотека», «Музейлэн иворъёсыз», «Форум», «Кусыпъёс» (Контакты), «Дунъетъёс»;

– висъетёслэсь огъя пуштрöссэс усьтэ;

– адзытон вылысь «Геройлэн залэз» бамлы Гаянлэсь образзэ усьтэ;

– музейлэсь кулэлыксэ валэктэ;

– пусье, кинлы но малы та музей тунсыко но пайдаё луысал.